

ZAPISNIK
O RADU 22. RADNE SJEDNICE SKUPŠTINE KANTONA SARAJEVO ODRŽANE
23.05.2025.GODINE SA POČETKOM RADA U 09,00 SATI

Dvadeset i drugu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Skupština Kantona Sarajevo je na početku zasjedanja odala počast domovini izvođenjem himne Bosne i Hercegovine, a zatim je na prigodan način odana počast svima onima koji su dali svoje živote za odbranu Bosne i Hercegovine.

Sjednici je prilikom otvaranja prisustvovalo 27 zastupnica i zastupnika. Izostanak sa sjednice pravdao je zastupnik Jasmin Šaljić. Sjednici nije prisustvovala zastupnica Sebija Izetbegović.

U skladu s naprijed iznesenim, prisustvo zastupnika 22. Radnoj sjednici je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pabrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić – Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Hodžić Admela
2. Gaković Elza
3. Lemezani Redžo
4. Memić Arijana

Nadalje, prešlo se na utvrđivanje dnevnog reda sjednice.

Predsjedavajući je istakao da je Prijedlog dnevnog reda 22. Radne sjednice Skupštine Kantona Sarajevo utvrdio Kolegij Skupštine na sjednici održanoj 14.05.2025. godine.

Nakon čitanja dnevnog reda, predsjedavajući je pozvao zastupnike da se izjasne o istom.

Na osnovu rezultata glasanja, konstatovano je da je Dnevni red 22. Radne sjednice Skupštine Kantona Sarajevo usvojen većinom glasova (s 24 glasa „za“, 1 glas „protiv“ i 2 glasa „suzdržana“), i isti glasi:

1. Poslanička/zastupnička pitanja inicijative i odgovori;
2. Nacrt Zakona o Registru finansijskih potraživanja u Kantonu Sarajevo;
3. Prijedlog Odluke o davanju saglasnosti na pripajanje Javne ustanove „Fond Memorijala Kantona Sarajevo“ Javnoj ustanovi „Memorijalni centar Sarajevo“;
4. Prijedlog Odluke o davanju saglasnosti za zaključivanje ugovora o naknadi troškova na ime plaćenog poreza sa primaocem naknade Kukuljac Zehrom, u svrhu izgradnje dionice „I transverzale“ - Poddionica Tunel Kobilja Glava – Hotonj;
5. Prijedlog Odluke o davanju saglasnosti za zaključivanje ugovora o naknadi troškova na ime plaćenog poreza sa primaocem naknade Kukuljac Džibom, u svrhu izgradnje dionice „I transverzale“ - Poddionica Tunel Kobilja Glava – Hotonj;
6. Prijedlog Odluke o davanju saglasnosti za zaključivanje ugovora o kupoprodaji bespravno sagrađenog objekta na parceli označenoj kao k.č. broj 767/1 K.O. SP_Koševo, što po novom premjeru odgovara k.č. broj 686 K.O. Hotonj, radi rušenja, vanknjižno vlasništvo Klanco Al Mulki Fatime u svrhu izgradnje dionice „I transverzale“ - Poddionica Tunel Kobilja Glava – Hotonj;
7. Prijedlog Odluke o imenovanju članova Vijeća nacionalnih manjina Kantona Sarajevo;
8. Prijedlog Odluke o dopunama Odluke o utvrđivanju osnovica, stopa i načinu obračunavanja i uplate naknada za obavezno zdravstveno osiguranje na području Kantona Sarajevo;

9. Prijedlog Odluke o davanju saglasnosti na Izmjene i dopune Finansijskog plana prihoda i rashoda za 2024. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe;
10. Prijedlog Odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2025. godinu;
11. Prijedlog Odluke o davanju saglasnosti na Finansijski plan prihoda i rashoda za 2025. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe;
12. Izvještaj o radu sa finansijskim izvještajem, na koje je prethodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2023. godinu;
13. Nacrt Strategije razvoja turizma u Kantonu Sarajevo do 2030. godine.

*Predsjedavajući je napomenuo da su zastupnici, također, uz poziv za sjednicu dobili i sljedeći **informativni materijal**:*

- Izvještaj o radu Kantonalnog suda u Sarajevu za 2024. godinu i Izvještaj o radu Općinskog suda u Sarajevu za 2024. godinu;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec februar 2025. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec mart 2025. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar - mart 2025. godine;
- Izvještaj o korištenju sredstava Tekuće rezerve iz Budžeta Kantona Sarajevo za period od 01.01. do 31.12.2024. godine;
- Izvještaj Ministarstva privrede Kantona Sarajevo o realizaciji novčanih podsticaja u poljoprivredi na području Kantona Sarajevo za 2024. godinu.
- Izvještaj o finansijskoj reviziji Javne ustanove Opća bolnica „Prim. dr. Abdulah Nakaš“ za 2023. godinu;
- Izvještaj o finansijskoj reviziji Javne ustanove „Služba za zapošljavanje Kantona Sarajevo“ za 2023. godinu;
- Izvještaj o finansijskoj reviziji Zavoda zdravstvenog osiguranja Kantona Sarajevo za 2023. godinu;
- Izvještaj o finansijskoj reviziji Ministarstva za odgoj i obrazovanje Kantona Sarajevo za 2023. godinu;
- Izvještaj o finansijskoj reviziji o praćenju postupanja po preporukama iz izvještaja o finansijskoj reviziji Kantonalnog javnog komunalnog preduzeća „Gradski saobraćaj“ d.o.o. Sarajevo za 2018. godinu;
- Izvještaj o finansijskoj reviziji o praćenju postupanja po preporukama iz izvještaja o finansijskoj reviziji Zavoda za izgradnju Kantona Sarajevo za 2019. godinu;
- Izvještaj o finansijskoj reviziji Kantona Sarajevo za 2023. godinu;
- Izvještaj o poduzetim aktivnostima po preporukama Ureda za reviziju u FBiH, iz Konačnog izvještaja o finansijskoj reviziji Budžeta Kantona Sarajevo za 2023. godinu.

Potom je predsjedavajući napomenuo zastupnike da se trebaju razmatrati dostavljeni zapisnici sa prethodno održanih sjednica. Obzirom da nije bilo prijavljenih zastupnika za eventualne primjedbe na zapisnike, prešlo se odmah na izjašnjavanje po istima.

*Nakon izjašnjavanja konstatovano je da je **Zapisnik s 20. Radne sjednice Skupštine Kantona Sarajevo, održane 14.03. i 28.03.2025.godine, većinom glasova usvojen (s 26 glasova „za“ i 1 glas „suzdržan“).***

*Nakon izjašnjavanja konstatovano je da je **Zapisnik s 21. Radne sjednice Skupštine Kantona Sarajevo, održane 28.03.2025.godine, većinom glasova usvojen (s 26 glasova „za“ i 1 glas „suzdržan“).***

*Nakon izjašnjavanja konstatovano je da je **Zapisnik s 3. Hitne sjednice Skupštine Kantona Sarajevo, održane 17.04.2025.godine, većinom glasova usvojen (s 26 glasova „za“ i 1 glas „suzdržan“).***

TOK SJEDNICE

Realizacija prve tačke dnevnog reda počela je u 09 sati i 29 minuta.

AD – I.

POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući je otvorio tačku dnevnog reda i dao riječ prvom prijavljenom zastupniku.

Zastupnica Fatima Gavrankapetanović-Smailbegović je podnijela sljedeće (citiramo): „Ja danas podnosim inicijativu ministru zdravstva Kantona Sarajevo dr. Enisu Hasanoviću, kojim tražim da Ministarstvo zdravstva razmotri mogućnost proširenja postojećih terapijskih protokola kroz uvrštavanje lijeka, Anakinra u kliničku praksu tamo gdje zato postoje medicinske indikacije. Trenutno u Kantonu Sarajevo troje djece koristi ovu terapiju i, nažalost, roditelji kupuju ovaj lijek i daju ogroman novac za to. Svaki mjesec odvajaju 2900 konvertibilnih maraka. Njihova djeca bi bez ovog lijeka ostali trajni invalidi i bio bi im narušen kvalitet života. Lijek Anakinra pokazao je značajnu učinkovitost u liječenju određenih upalnih stanja, uključujući teže oblike reumatoidnog artritisa i Stilovu bolest. Mislim da se ova inicijativa, odnosno molim da se ova inicijativa uputi odgovarajućim stručnim komisijama i tijelima unutar Ministarstva zdravstva kako bi se donijela odluka temeljena na stručnim i etičnim principima u interesu poboljšanja zdravstvene zaštite naših građana. Također, imam pitanje za ministra zdravstva da li je istina da je došlo do pojave Leptospiroze u Sarajevu? Ako jeste, da li znate koji je uzrok, koje su mjere poduzete i kako će se stanovnici Sarajeva zaštititi od ove zaraze? Zahvaljujem se i molim usmeni odgovor“.

Zastupnica Smiljana Viteškić je podnijela sljedeće (citiramo): „Za današnju sjednicu imam dva pitanja. Prvo je za Vladu Kantona Sarajevo a ono glasi: u kojim javnim komunalnim i zdravstvenim ustanovama, osnovnim i srednjim školama su direktori koji su vršiooci dužnosti i koliko svakom od njih do današnjeg dana traje taj mandat? Konkretna pitanja ću postaviti nakon dobivanja, naravno, pisanog odgovora. Moje drugo pitanje je slično kao pitanje zastupnice Gavrankapetanović. Znači interesuje me da nam ministar odgovori usmeno. Tiče se pojave bolesti Leptospiroze u Kantonu Sarajevo. Pitanja su kratka. Kako je uopće došlo do pojave ove bolesti u Kantonu Sarajevo i šta se iz djelokruga Ministarstva radi na suzbijanju ove zarazne bolesti?.“

Zastupnica Danijela Kristić je podnijela sljedeće (citiramo): „Ja upućujem inicijativu prema Zavodu za javno zdravstvo Kantona Sarajevo, Vodovodu i kanalizaciji i Općini Novi Grad Sarajevo. U svjetlu nedavnih informacija objavljenih u medijima o pojavi više slučajeva zaraze

Leptospirozom na području naselja Dobrinja u Općini Novi Grad ovim putem podnosim inicijativu i zahtjev za hitno ispitivanje zdravstvene ispravnosti vode za piće koja se isporučuje građanima na tom području. S obzirom na prirodu bolesti koja se može prenijeti putem kontaminirane vode, smatram neophodnim da se izvrši mikrobiološka i hemijska analiza uzoraka vode iz više je tačaka na Dobrinji, uključujući škole, vrtiće, javne objekte, javne česme, ukoliko ih ima i pojedina domaćinstva, posebno u blizini lokacija gdje su zabilježeni slučajevi bolesti, da se provjeri stanje lokalnih rezervoara i cjevovoda koji vode do naselja Dobrinja kako bi se isključila mogućnost kontaminacije unutar vodovodne mreže, da se izvrši sanitarni nadzor i deratizacija terena imajući u vidu da je izvor zaraze najčešće povezan s prisustvom glodara. Ukoliko su analize već u toku, molim vas da javnost bude pravovremeno informisana o rezultatima radi očuvanja povjerenja građana u institucije i sigurnost snabdijevanja vodom. Drugu inicijativu podnosim sa kolegicom Arijanom Memić. Podnosimo inicijativu da se u javnom gradskom prijevozu, u kojem je uvedena govorna navigacija na bosanskom jeziku o tramvajskim stanicama i nazivima istih, uvode i govorna navigacija na engleskom jeziku, kako bi turisti u Kantonu Sarajevo, koji koriste i tramvaj kao svoj prijevoz, znali gdje se nalaze i na kojoj lokaciji trebaju napustiti javni gradski prijevoz i uživati u ljepotama našeg Kantona. Također, uz govoru navigaciju na engleskom jeziku, potrebno je iznad vrata svih sredstava javnog gradskog prijevoza postaviti kartu to jeste mapu grada na kojoj se jasno vidi gdje se nalaze i koje znamenitosti postoje u blizini tih stanica“.

Zastupnica Jelena Pekić je podnijela sljedeće (citiramo): „Moje pitanje za današnju sjednicu inicijativa se odnosi na sljedeće pa ukoliko stignem u ovih 3 minute. Naime, Ministarstvo za obrazovanje i odgoj 18.04.2025. godine donijelo akt o stavljanju van snage saglasnosti za raspisivanje javnog oglasa za popnu upražnjenih pozicija u Javnoj ustanovi Djeca Sarajeva. Moje pitanje šta je razlog povlačenja saglasnosti i poništenja konkursa? I dalje u javnom pozivu za ovaj konkurs kao mjesto rada navode se vrtići Djeca Sarajeva, pri čemu se to odnosi na sve organizacione jedinice ove ustanove. S obzirom na to da su opis poslova osnovni i posebni uslovi identični za sve pozicije, tražim pojašnjenje zbog čega se radna mjesta nisu objedinjeno prikazala pod jednim rednim brojem sa naznačenim brojem izvršilaca, npr. 21 izvršilac već su prikazana kao 21 odvojena pozicija, svaka za po jednog izvršioca. Također, zbog čega se provodi 21 zaseban konkursni postupak, kada bi se u cilju racionalizacije mogao provesti jedinstven postupak selekcije sa rang listom 21 najuspješnijeg kandidata. Odgajatelj koji se prijavi mora izaći na 21 usmeni i 21 pismeni ispit da ne bi bio eliminisan iz konkursne procedure, koje su potpuno identična samo sa različitim pitanjima. Realno, da bi ispitali da bi ispratili sva ta testiranja, odgajatelji bi realno trebali uzeti godišnji odmor, a zamislite samo taj nivo stresa izaći na, rekla bih, isto testiranje 21 put, što zaista mislim da nije ni praktično ni efikasno. I da li će zbog poništenja konkursa neki vrtići ostati bez odgajatelja budući da je nekima ističe ugovor na određeno koji iz potpisali ili je nekima već istekao. I također upućujem inicijativu koja je isto tako vezano za ovu problematiku, da Vlada Kantona Sarajevo i resorno ministarstvo pronade sistemsko rješenje koje bi im omogućilo trajno zaposlenje kvalificiranih odgajatelja koji kontinuirano ispunjavaju profesionalne obaveze i standarde jer je ovo posebno važno i u interesu djece i koja pohađaju naše vrtiće, s obzirom da dosadašnji model koji se dominantno oslanja na zapošljavanje odgajatelja po osnovu ugovora na određeno vrijeme generira značajne negativne posljedice na psihosocijalni razvoj djece. A ostalo ću dostaviti ostatak i tekst ove inicijative i pitanja ću dostaviti u pismenoj formi“.

Zastupnik Ilijaz Pilav je podnio sljedeće (citiramo): „Ja imam inicijativu koju upućujem prema Ministarstvu zdravstva Kantona Sarajevo, a ona se odnosi na usvajanje nove indikacione liste za onkološke pacijente u Kantonu Sarajevo. Obrazloženje je malo šire s obzirom da na važnost ove teme pa ću zamoliti da mi se dopusti da ga iznesem do kraja. Onkolozi u Bosni i Hercegovini svakodnevno se suočavaju sa izazovom optimizacije liječenja solidnih malignih

tumora zbog ograničene dostupnosti terapijskih opcija. Iako su nove terapijske opcije dokazale svoju efikasnost u randamiziranim kliničkim studijama i predstavljaju standard njege u međunarodnim smjernicama, veliki dio pacijenata u BiH ne može pravovremeno započeti optimalni tretman. Prema važećim propisima, Fond solidarnosti financira sistemsko onkološko liječenje, međutim lista dostupnih lijekova posljednji put je ažurirana u maju 2019. godine. Od tada je Europska agencija za lijekove odobrila desetine inovativnih terapijskih opcija, uključujući imunoterapije, ciljane terapije itd. sa stotinama novih indikacija, liječenje dodatno komplicira činjenica da pacijenti često ne dobiju ni ove opsoletne terapijske opcije pravovremeno, već se optimalna terapijska opcija uvodi tek u kasnijem linijama liječenja. Od oktobra 2024. godine usvajanjem prioritnog programa lijekova, Ministarstvo zdravstva Kantona Sarajevo omogućilo je da nijedan osiguranik ne čeka na započinjanje terapije duže od 60 dana od uvrštavanja na Listu čekanja Federalnog zavoda zdravstvenog osiguranja i reosiguranja, pri čemu je preko 300 pacijenata pravovremeno započelo liječenje. To je važan korak, ali nije dovoljan. Na temelju ovih činjenica predlaže se kreiranje nove indikacione liste koju su izradili onkolozi sa ciljem osiguravanja pravovremenog liječenja prema najvišim naučnim i stručnim standardima. Terapijske opcije predložene za novu indikacionu listu odabrane su prema jasnim objektivnim kriterijima, a ti kriteriji uključuju sljedeće: lijek mora imati ocjenu A ili 5 prema ESMO- "Magnitude of Clinical Benefit Scale", čime se potvrđuje značajna klinička korist. Lijek mora biti registrovan u EU ili u BiH, čime se osigurava njegova dostupnost u zdravstvenom sistemu. ESMO MCBS alat koje je razvilo Europsko medicinsko onkološko društvo radi objektivne procjene kliničke korisnosti onkoloških terapija ocjena A se dodjeljuje terapijskim opcijama koje imaju visoki potencijal za potpuno izlječenje ili značajno produženje preživljavanja . Ocjena 5 se dodjeljuje terapijskim opcijama u nekurativnom setingu kod kojih je dokazano statistički značajno poboljšanje ukupnog preživljenja i kvaliteta života. Na osnovu podataka Zavoda za statistiku napravljena je projekcija broja pacijenata na godišnjem nivou koji bi imali medicinsku indikaciju za terapiju uključenu u ovu indikacionu listu. U zaključku, već uvođenjem prioritnog programa lijekova Ministarstva zdravstva Kantona Sarajevo u kliničkoj praksi postignut je značajan pomak u pravovremenom započinjanju liječenja. Usvajanjem nove indikacione liste pacijentima u Kantonu Sarajevo bi bio omogućen savremeni tretman usklađen sa standardima vodećih evropskih zemalja, čime bi se značajno poboljšali ishodi onkološkog liječenja i kvalitet života pacijenata. Kao sastavni dio ove inicijative, Ministarstvu zdravstva prosljedit ću prijedlog kreirane nove indikacione liste, vjerujući da će sa apsolutnim razumijevanjem ministra biti i usvojena u što kraćem roku na dobrobit svih onkoloških pacijenata koji se nalaze na onim najtežim listama koje često zovu i "liste smrti". Usvajanjem ove nove indikacione liste podigli bi kvalitet i rezultate liječenja na zavidan nivo kakav je trenutno u svijetu“.

Zastupnik Faruk Selmanović je podnio sljedeće (citiramo): „Moje prvo pitanje odnosi se na Ministarstvo za prostorno uređenje i komunalnu privredu. Interesuje me da li je išta poduzeto povodom povećanog broja pasa lualica u Kantonu Sarajevo, te ako nije, da li će se poduzeti i da li su planirane slične aktivnosti, cijeneći da je ogroman broj pasa lualica se pojavio u zadnje vrijeme na ulicama i da su građani uznemireni. Moje drugo pitanje je za Ministarstvo unutrašnjih poslova Kantona Sarajevo, odnosi se na informaciju o postavljanju kamera na stajalištima u Kantonu Sarajevo. Pa evo da nam ministar usmeno i pismeno pojasni tačno kada će se i na koji će se način izricati kazne i da li će se kazne izricati za zaustavljanje na ta proširenja prilikom prijema, odnosno puštanja putnika iz vozila, a naročito ako se radi o taksi vozilima”.

Zastupnica Arijana Memić je podnijela sljedeće (citiramo): „Moje prvo pitanje upućeno je Upravi policije MUP-a Kantona Sarajevo. Interesuje me koji su konkretni kriteriji i postupak za dodjelu priznanja i policijskih znački, konkretno na osnovu kojih zasluga i čijeg prijedloga su dodijeljena priznanja Džaferu Hrvat i tužiteljicama Kantonalnog tužilaštva, Aidi

Topalović i Šejli Heljić? Napominjem da na ovo pitanje tražim pismeni odgovor. Drugo pitanje upućeno je Kliničkom centru Univerziteta u Sarajevu. Kantonalni sud u Sarajevu je donio presudu kojom je odbio žalbu Kliničkog centra protiv presude Općinskog suda u Sarajevu u kojem je Klinički centar odgovoran za povredu prava na privatnost porodice Smajlović. Interesuje me zbog čega Klinički centar nije postupio u roku od 30 dana od kada je presuda dostavljena? I također, Klinički centar je bio u obavezi, a i danas je, da objavi javno izvinjenje porodici Smajlovića di nezakonite obrade ličnih podataka. I molim za informacije zašto to do danas nije učinjeno? ”

Zastupnica Vedrana Vujović je podnijela sljedeće (citiramo): „Ja sam danas pripremila nekoliko zastupničkih pitanja i inicijative, ali, evo, prezentovat ću dvije ili tri koliko mi vrijeme bude dozvoljavalo. Svakako, evo, kao i pojedine kolegice, tražim informaciju od premijera, ministra zdravstva i ministra komunalne privrede da se očituju o stanju sa zarazom Leptospirozom. Mediji su prije zvaničnih institucija informisali javnost o tome da je zaraza krenula iz Opštine Novi Grad, kao i da je nekoliko stanovnika naselja Dobrinja hospitalizovano na Klinici za infektivne bolesti. Odgovor tražim usmeno i odmah, a u o pismenoj formi svakako detaljnije o svim koracima koji su do sada poduzeti, kako je došlo do toga i kako Vlada Kantona Sarajevo namjerava konačno očistiti Kanton i grad, osigurati redovan odvoz smeća i prevenirati druge potencijalne zaraze i epidemije. Zastupničko pitanje također, upućujem Vladi Kantona Sarajevo, Ministarstvu kulture i sporta, ali i rukovodstvu Skupštine Kantona Sarajevo. Prije nekoliko dana iz Košarkaškog saveza objavljeno je da muške i ženske reprezentacija, omladinske do 18 do 16 godina ove godine ne učestvuju na europskim prvenstvima. Detalji obrazloženje ove za ove godine, gdje nije bilo okupljanja omladinskih reprezentacija, niti se uspjelo organizovati Liga Bosne i Hercegovine, a napominju da je bilo interesovanja, ali da je to spalo na nekoliko klubova. Također, za odlazak muških i ženskih reprezentacija do 16. i do 18 godina, potrebno 400.000 maraka, a još od države ništa nisu dobili. Ostali su dugovi iz prethodne godine u iznosu od 200 000 maraka. Moje zastupničko pitanje upućujem između ostalog, kao što sam rekla i Vladi, ali i rukovodstvu Skupštine koji na poziciji u budžetu imaju osiguranih 206 000 maraka tekućih transfera, pa me zanima da li su planirali, kako su, koliko su spremni izdvojiti novca za omladinske košarkaške reprezentacije Bosne i Hercegovine i generalno košarkaške klubove u Kantona Sarajevo? Omladinski pogoni košarkaški klubova i omladinske reprezentacije imaju ključnu ulogu u budućnosti svih seniorskih timova i razvoja vrhunskog sporta u cijeloj državi. Kao Kanton sa budžetom od 1 milijardom i 888 miliona ja očekujem zaista mnogo veću odgovornost prema sportu, ali i prema mladima. Toliko, ostalo ću poslati svakako pismeno!“

Zastupnica Vildana Bešlija je podnijela sljedeće (citiramo): „Ja bih postavila pitanje Vladi, Ministarstvu zdravstva i svim ostalim zdravstvenim ustanovama, odnosno Zavodu zdravstvenog osiguranja, Općoj bolnici, KCUS-u jer sam prije par godina u stvari pokrenula inicijativu o uspostavljanju hospisa u Kantonu Sarajevo. Naime, kao što znamo, uz pomoć Zavoda zdravstvenog osiguranja, mi imamo već hospis, međutim koji je privatni i o tomu sam govorila prije par mjeseci ponovo smatrajući da hospis mora biti sistemski uređen i dio javnog zdravstva. S tim u vezi sam željela da se pokrene određena zajednička inicijativa, pa ako iziskuje i određene napore sa federalnim nivoom zajedno da se pokuša pronaći adekvatan prostor i, naravno, finansijska sredstva za uspostavljanje takvog hospisa. Zato bi željela informaciju u kojoj su fazi aktivnosti poduzete na tom polju, eventualne prijedloge pronalaska adekvatnog prostora, tj. zgrade za njegov smještaj u krugu, ne znam, Opšte bolnice, KCUS-a, ili ako treba saradnju i pomoć Federacije, kako sam to i ranije navodila, i kao i obezbeđenje finansijskih sredstava, jer smatram da je ovo pitanje veoma važno i potrebno da se svi uključe u ovu realizaciju, a naravno, ovo ću pitanje ukoliko je potrebno još jednom pokrenuti i na federalnom nivou. Također bih zamolila informaciju o ukupnom broju djece koja idu u produženi boravak, razvrstanu po školama i uzrastu, i također molim informaciju o školama koje nemaju produženi boravak, brojem zainteresovane djece i razlogom takve odluke, naravno, za svaku školu. I prije par godina je

također usvajanja inicijativa koju sam podnijela, a tiče se uvođenja skraćenog programa prekvalifikacije i dokvalifikacije za stjecanje stručnih zvanja i propisa tradicionalnih starih obrta u srednjim strukovnim školama. I zamolila bih podatke, s obzirom da je prošlo par godina, kakav je odziv, koliko smo imali do sada polaznika i kakav je status ovog programa trenutno?“

Zastupnica Marijela Hašimbegović je podnijela sljedeće (citiramo): „Današnju inicijativu upućujem budžetskom inspektoru i Ministarstvu kulture i sporta radi izvršenja budžetskog nadzora uslijed blokade transfera sredstava sa pozicije "JU ustanove kulture" koja se nalazi na analitičkoj kartici Ministarstva kulture i sporta, dokumenta Prijedloga budžeta za 2025. godinu u iznosu od 800.000 pravna regulativa kojom je regulisano ovo pitanje privremenog financiranja institucija kulture i obrazovanja od državnog značaja bez statusa definisana su Zakonom o privremenom preuzimanju sufinansiranja institucija kulture i obrazovanja čiji je osnivač Bosna i Hercegovina. Dokument usvojen od strane Skupštine Kantona Sarajevo. Ovaj Zakon kao posebni zakon jasno definiše privremeno preuzimanje, sufinansiranje institucija iz Budžeta Kantona Sarajevo do donošenja konačnog rješenja definiše status i način financiranja i poslovanja kako bi se osigurao opstanak, funkcionisanje i svakodnevni rad ovih institucija, sprječavajući njihovo ugrožavanje. Obzirom na obustavu isplate sredstava za Biblioteku za slijepa i slabovidna lica Bosne i Hercegovine tražim budžetski nadzor navedene pozicije sa ciljem utvrđivanje zakonitog poslovanja Ministarstva kulture i sporta. Također, očekujem od resornog Ministarstva žurno reagovanje i isplatu zakonom definisanih sredstava na koje vas se obavezuje i dokument Prijedloga izvršenja budžeta za 2025. godinu“.

Zastupnica Belma Kapo je podnijela sljedeće (citiramo): „Inicijativu koju ću ja sada ukratko prezentirati podnosimo kolega Aljoša Čampara, Vitor Handžić i ja, a odnosi se na Ministarstvo zdravstva Kantona Sarajevo. Ja vas zaista molim da proširimo Prioritetni program liječenja za onkološke pacijente koji je donesen prošle godine i na osnovu kojeg smo uspjeli 327 pacijenata iz Kantona Sarajevo skinuti sa liste čekanja Fonda solidarnosti i time spasiti 327 ljudi u Kantonu Sarajevo. Na toj listi je ostalo još oko 200 pacijenata iz našeg Kantona koji sami sebi finansiraju terapiju. Predlažemo da i ove pacijente uključimo u Prioritetni program liječenja po indikacijama koje su registrovani od strane Agencije za lijekove i medicinska sredstva u Bosni i Hercegovini. Novca zasigurno ima, jer u prošloj godini odvojeno 5 000.000, 25 000 000 je odvojeno za 2025. godinu. Prema našim informacijama, do sada je potrošeno oko 7,5 miliona, što znači da sigurno ima prostora, pa vas molim da se nađe način da što prije i ove pacijente zbrinemo. Jedan od takvih primjera je bila, nažalost, i mlada doktorica koja je nedavno preminula jer nije dobila odgovarajući lijek u momentu kada joj je trebalo. I ovo je sigurno prilika i znam da će Ministarstvo zdravstva učiniti sve što može da zbrinemo i ove pacijente. Druga inicijativa se odnosi na Ministarstvo za odgoj i obrazovanje Kantona Sarajevo. Ja molim ministricu da se malo više uključi vezano za probleme koji se dešavaju u Osnovnoj školi Šip u Sarajevu. Naime, roditelji su dobili pismo od škole, od uprave škole u kojima ih obavještavaju da će u narednoj školskoj godini doći do problema u radu produženog boravka na način da će ono biti vjerovatno omogućeno samo za učenike prvog i drugog razreda. Ja molim ministricu da se pokuša malo više aktivirati, ja ću poslati svakako i pismeno u ovaj problem, jer tu je nova škola, u nju je jako puno uloženo, ne može biti razlog neadekvatnog rada produženog boravka kadar u toj školi, nedostatak kadra u toj školi. Ima sasvim dovoljno prostora da se zaposli odgovarajući kadar do septembra iduće godine jer roditelji su, podsjetit ću vas, iz drugih osnovnih škola, na primjer iz osnovne škole Hasan Kikić, prošle godine prebacili svoju djecu u područnu svoju školu, osnovnu školu Šip. Ako sada se ponovno zatvore vrata produženog boravka za djecu, trećeg i starije razrede, onda ćemo ponovo doći u situaciju da roditelji moraju djecu premještati u druge škole“.

Zastupnica Mersiha Mehmedagić je podnijela sljedeće (citiramo): „Imam jedno pitanje koje upućujem Ministarstvu saobraćaja Kantona Sarajevo. Interesuje me u čijem

vlasništvu su kiosci na tramvajskim stajalištima, koliko ih ukupno ima i šta se planira činiti sa tim kioscima zato što je najveći broj njih u zapuštenom stanju, neiskorišteni su i čak su ruglo i svojevrzne deponije na stajalištima, pa molim da mi se čim prije odgovori šta se planira sa ovim kioscima? Ostalo ću dostaviti pismeno“.

Zastupnik Adi Kalem je podnio sljedeće (citiramo): „Ja za danas imam dva pitanja za Ministarstvo za boračka pitanja Kantona Sarajevo. Jedno pitanje se može preformulisati kao inicijativa. Ovim putem podnosim inicijativu i postavljam pitanje Ministarstvu za boračka pitanja, a cilj je pojednostavljenja administrativne procedure za ostvarivanje prava na jednokratne pomoći pripadnicima boračke populacije. Naime, u dosadašnjoj praksi uz zahtjev za ostvarivanje navedenog prava obavezno je dostavljanje uvjerenja o tome da li podnosilac, da li se podnosilac nalazi na evidenciji Službe za boračka i invalidsku zaštitu. Smatram da je ovo nepotrebno i budući da Ministarstvo za boračka pitanja Kantona Sarajevo već ima pristup tim evidencija, i može samostalno izvršiti provjeru statusa podnosioca zahtjeva. Predlažem da se pripadnici boračke populacije oslobode ovakve obaveze dostavljanja ovog uvjerenja, a da nadležno Ministarstvo podatke pribavlja službenim putem iz postojećih evidencija. Ako se ne može ovo realizovati, predlažem alternativno rješenje da se korisnicima omogući izdavanje uvjerenja bez navođenja svrhe na samom dokumentu, kako bi jedno uvjerenje mogli koristiti prilikom apliciranja na više javnih poziva i programa pomoći, bez potrebe za ponovnim izdavanjem. Prednosti su višestruke; smanjilo bi sa administrativno opterećenje, uštedjelo vrijeme i sredstva, te doprinijelo manjem, efikasnijem pristupu prema pripadnicima boračke populacije. Postavljam pitanje da li je Ministarstvo za boračka pitanja Kantona Sarajevo planiralo u narednom periodu olakšati ove procedure i ako jeste, na koji način? I također postavljam pitanje, a tiče se isplate jednokratne pomoći, odnosno, prosljeđujem pitanje zabrinute boračke populacije koja mi se svakodnevno obraća i pita kada će biti i kada se planiraju isplatiti ove naknade, to je ujedno i moje pitanje i molit ću pismeni odgovor obzirom da ministar danas nije sa nama. „

Zastupnica Admela Hodžić je podnijela sljedeće (citiramo): „Danas imam jedno pitanje i dvije inicijative. Prvo pitanje odnosi se na inicijativu koju smo podnijeli još u decembru mjesecu Ministarstvu privrede za poduzimanje aktivnosti za regulaciju vodotoka Crna Rijeka. Mi još uvijek nismo dobili odgovor od decembra mjeseca, pa evo može usmeni odgovor kad ćemo dobiti odgovor i zašto još uvijek nismo? Za regulaciju korita, jeste i vodotoka i projekta realizacije tog projekta Crna Rijeka. Podnosim inicijativu Ministarstvu saobraćaja Kantona Sarajevo i KJKP Gras Sarajevo da hitno poduzmu sve potrebne mjere i radnje kako bi se autobusi i minibusi sa linija javnog gradskog prijevoza na području gradskih općina za koje su u prethodnom periodu nabavljena nova vozila, tramvaji i trolejbusi preraspodijelili na linije javnog prijevoza na području općine Hadžići i druge rubne Općine u Kantonu Sarajevo, gdje je to potrebno. Obrazloženje. Naime, zbog prituzbi građana da zbog učestalih kvarova na dotrajalim vozilima, autobusima i minibusima na linijama javnog gradskog prijevoza KJKP Gras Sarajevo na području općine Hadžići, gdje dolazi do ispuštanja linija zbog nedostajućih zamjenskih vozila ovom inicijativom tražim da se uradi svojevrсна analiza na linijama gradskih općina gdje su nabavljeni novi tramvaji, trolejbusi, a samim tim i poboljšana usluga KJKP Grasa javnim gradskim prijevozom građanima. Građani u pojedinim gradskim općinama bukvalno svaki minut imaju na raspolaganju više vrsta vozila javnog prijevoza, dok sa druge strane, građani rubnih općina, a samim time i Hadžića, čekaju po sat ili dva, a nekada i duže na sljedeći autobus kada jedno vozilo ostane u kvaru. Svi smo očekivali okončanje procedura javnih nabavki za potrebe nedostajućih vozila, ali s obzirom na to da je tender oboren i procedura kreće iznova, koja bi mogla opet trajati mjesecima, moramo tražiti alternativna rješenja kako građani ne bi ispaštali zbog osnovanih ili neosnovanih žalbi na svaki tender kojim Ministarstvo saobraćaja Kantona Sarajevo i KJKP Gras Sarajevo pokušavaju riješiti problem nedostatka vozila za javni gradski prijevoz u Kantonu Sarajevo. Smatram sasvim opravdano ovu inicijativu i tražim od nadležnih da što prije pristupe njenoj

realizaciji te da u narednom periodu prezentuju mapu sa egzaktnim podacima pokrivenosti linija vozilima Grasa Sarajevo, javnim gradskim prijevozom i drugim prijevoznicima sa brojem vozila, brojem linija, vremenskim pokazateljima, koliko u prosjeku na svakoj općini u Kantonu Sarajevo građani čekaju na sljedeći autobus, tramvaj ili trolejbus ili neku drugu vrstu gradskog prijevoza i to objave na web stranici. Molim nadležne da što prije razmotre ovu inicijativu kao moguće trajno rješenje sa tačnim podacima kako bi se moglo efikasnije upravljati vozilima javnog gradskog prijevoza i jednostavnije vršiti eventualne preraspodjele vozila tamo gdje je to potrebno u KJKP Gras Sarajevo, na teritoriji Kantona Sarajeva. Toliko zahvaljujem. Ostalo ću predati u pisanoj formi.“

Zastupnica Elza Gaković podnijela je sljedeće (citiramo): „Ja ću za danas uputiti inicijativu i pitanja. Inicijativa se odnosi na uvođenje registraciju minibuske linije koja bi se trasirala u obuhvatu Donja Jošanica, Krše, Ugorsku i centar Vogošća. Obzirom da je riječ o gusto naseljenim dijelovima općine Vogošća i velikom broju školske djece koja nemaju liniju javnog gradskog prijevoza ili đakskog za svakodnevni odlazak u školu i povratak iz škole, neophodno je, također, taj red vožnje prilagoditi rasporedu nastave. Trasa kojom djeca pješake je jako nesigurna, a dužina nje najveća od 2 km. Također, građani koji svakodnevno se suočavaju sa poteškoćama odlaska na posao i povratka, kao i građani treće životne dobi pri svakodnevnom funkcionisanju prema osnovnim životnim potrebama zahtijevaju uvođenje ove nove linije. Ovom prilikom su mi se i obratili sa ovim zahtjevom. S tim u vezi, neophodno je hitno postupanje svih nadležnih kako bi se registrovali i uspostavila nova linija javnog gradskog prijevoza Donja Jošanica, Krše, Ugorsko i centar Općine Vogošća. Pitanje. Shodno održanim sastancima, nizom sastanaka sa predstavnicima Kantonalnog javnog komunalnog preduzeća ViK i građanima sa lokaliteta Tjepovački put, Doljanska, Biočki put i 14. juni upućujem pitanje prema Kantonalnom javnom komunalnom preduzeću ViK. Da li je moguće rješenje izgradnje rezervoara Gornji Mihaljevići na koti većoj od 680 m? Ukoliko je to rješenje izvodivo, tražim da se u saradnji sa svim subjektima planiranja pristupi ka hitnoj izradi idejnog rješenja i realizacije jer redovno vodosnabdijevanje je osnovno ljudsko pravo, ne luksuz. Izgradnje rezervoara na koti nižoj od 680 m prema potrebama stanovništva neće riješiti njihove osnovne potrebe. Ovakvim predloženim idejnim rješenjem riješilo bi se dugogodišnji problem vodosnabdijevanja ovog lokaliteta velikog broja građana i samim tim omogućilo bi se da sva domaćinstva na ovom području budu priključena na javnu vodovodnu mrežu“.

Zastupnica Miomirka Melank podnijela je sljedeće (citiramo): „Ja smatram da treba zaštititi kompleks kao memorijalni kompleks groblja koja se nalaze na Koševu, to se odnosi na groblja Sveti Mihovil, Sveti Josip, Sveti Marko, groblje Stadion i groblje Lav. Ta groblja su dugo u memoriji grada, postoje kao takva i smatram da i sada njihovo održavanje odlično i u velikoj mjeri se posvećuje pažnja izgledu, ali bi neki nivo zaštite doprinio tome da ljudi koji su tamo sahranjeni, građani Sarajeva, budu na neki još značajniji način poštovani, po ugledu na slična groblja u velikim gradovima, na primjer Pariski Perlašez, koji je zaštićen kao kulturna baština. Takva mjesta govore o istoriji grada i o ljudima koji su živjeli na ovom terenu. Također bi htjela postaviti pitanje šta se dešava i u kojoj fazi je izgradnja ili planiranje krematorija koji je najavljen u jednom momentu, šta se sada dešava i da li ćemo uskoro dobiti takav jedan objekat?“

Zastupnik Muamer Bandić podnio je sljedeće (citiramo): „Upućujem jednu inicijativu kojom Skupština Kantona Sarajevo obavezuje Vladu Kantona Sarajevo, Ministarstvo privrede Kantona Sarajevo, KJP Centar Skenderija da bez odlaganja, u šta kraćem roku, upute zahtjev za produženje roka za izvršenje upravne mjere utvrđene rješenjem Inspektorata Općine Centar Sarajevo 23.04.2025. godine. Predmetnim rješenjem i subjektu nadzora Centra Skenderija d.o.o. Sarajevo naređena je zabrana upotrebe dijela poslovnog objekta oznake "B" privrednog grada koji je sastavni dio kompleksa Centar Skenderija d.o.o. Sarajevo, sa rokom izvršenja od 30 dana od

dana prijema predmetnog rješenja. Ovom inicijativom zahtjeva se da ovo preduzeće Skenderija zatraži produženje roka za izvršenje navedene mjere do 31.12.2025 godine, u skladu sa članom 87. stav (4) Zakona o inspekcijama Kantona Sarajevo. Također, traži se da Centar Skenderija d.o.o Sarajevo preispita mogućnost preventivnog djelovanja do konačne sanacije ploče i čeličnih nosača ispod ispod trgovinki, uz prethodnu hidroizolaciju na platou na način kojim će minimalizirati gubitak prihoda Centar Skenderija do.o.o Sarajevo zbog obustave poslovne aktivnosti, kao i nastanak materijalne štete na strani zakupca. Dakle, ovim Rješenjem je ovom javnom preduzeću naložena upravna mjera zabrane korištenja dijela poslovnog objekta Privrednog grada Skenderija pod oznakom "B", sa rokom izvršenja od 30 dana od dana prijema rješenja. Međutim, uprava KJP Skenderija nije iskoristila pravni lijek, nije podnijela žalbu na Rješenje niti je djelovala u duhu načela savjesnosti i poštenja prema pravno zainteresiranih zakupcima na koje se odnosi predmetna upravna mjera. Usprkos zahtjevima zakupaca da se uloži i žalba, uprava preduzeća je ostala pasivna, čime je dodatno pogoršala situaciju. Takvo ponašanje ne odražava standarde odgovornog upravljanja niti uvažavanja interesa ugovorenih strana. S obzirom na to, predlažem da Skupština Kantona Sarajevo ovom inicijativu obaveže Centar Skenderija da podnese zahtjev za produženje roka za izvršenje upravne mjere do 31.12.2025 godine u skladu sa članom zakona, kako sam naveo. Imam jedno pitanje, odnosi se na sve organe uprave i službe u Kantonu Sarajevo, Ministarstvo pravde i uprave, Ministarstvo komunalne privrede, Ministarstvo za nauku, visoko obrazovanje i mlade, Ministarstvo saobraćaja, Ministarstvo unutrašnjih poslova, Ministarstvo privrede i Ministarstvo financija, Ministarstvo zdravstva, Ministarstvo za odgoj i obrazovanje, Ministarstvo kulture i sporta, Ministarstvo za rad, socijalnu politiku, Ministarstvo za boračka pitanja, Kantona uprava za inspeksijske poslove, Kantonalna Uprava civilne zaštite, Zavod za planiranje razvoja Kantona Sarajevo, Zavod za izgradnju Kantona Sarajevo, Zavod za informatiku i statistiku Kantona Sarajevo, Direkcija za robne rezerve, Kantonalni zavod za pružanje besplatne pravne pomoći, Stručna služba za zajedničke poslove, stručna služba Vlade Kantona Sarajevo, Kabinet premijera Kantona Sarajevo, Ured za zakonodavstvo Vlade Kantona Sarajevo, Služba za protokol i pres Kantona Sarajevo, Ured za borbu protiv korupcije Kantona Sarajevo, Služba za skupštinske poslove Skupštine Kantona Sarajevo, Javna ustanova Institut za razvoj predniverzitetskog obrazovanja Kantona Sarajevo, Kabinet predsjedavajućeg i zamjenika predsjedavajućeg, i Ured Vlade Kantona Sarajeva za dijasporu. Molim da svi navedeni organi uprave i službe Kantona Sarajevo pojedinačno dostave pisani odgovor na sljedeće: koliki broj zaposlenika je imao zasnovan radni odnos i u ovim organima uprave i službama Kantona Sarajevo u 2024 godini sa tačnim navođenjem ukupnog broja zaposlenih, broj zaposlenih po vrstama ugovora npr. neodređeno, određeno, pripravnici i slično i, dakle, koji je bio pravni osnov za zasnivanje takvog radnog odnosa? Uz pisani odgovor zahtijevamo od svih navedenih organa i službi Kantona Sarajevo da dostavi kopiju Pravilnika o unutrašnjoj organizaciji i sistematizaciji radnih mjesta koji je bio važeći u periodu od 01.01.2024 do 31.12.2024.godine“.

Zastupnik Faruk Kapidžić podnio je sljedeće (citiramo): „Imam dva pitanja. Prvo pitanje za Ministarstvo privrede i Vladu Kantona Sarajevo, kao i za direktora Skenderije. Zbog čega se raskidaju ugovori sa zakupcima poslovnih prostora u Privrednom gradu Skenderija ispod platoa, ako znamo da je elaboratom o statičkoj stabilnosti iskazana potreba za konstruktivnom sanacijom, što može trajati kraći vremenski period te se rad zakupaca mogao samo privremeno obustaviti u tom periodu koji može biti od 30 do maksimalno 60 dana. Tim raskidom ugovora nanosi se ogromna finansijska šteta Skenderiji kao zakupodavcu i Vladi Kantona Sarajevo, koja će u konačnici izgubiti sudske sporove sa zakupcima u vjerojatno milionskim iznosima. Drugo pitanje za Ministarstvo saobraćaja ministra Štetu i premijera Vlade Kantona Sarajevo gospodina Uka. Da li se sanacija saobraćajnice u ulici Obala Kulina bana od Skenderije do mosta Čumurija u dužini od cc-a 1 km i širini od cc-a 12 m radi po nekoj projektnoj dokumentaciji za sanaciju? Ako da, zahtijevam da se ta dokumentacija da na uvid javnosti, kao i dokumentacija po kojoj se radila

rekonstrukcija iste saobraćajnice prije desetak mjeseci. Također zahtijevam da se uz usmeno i pismeno obrazloženje pokažu ugovori sa izvođačem radova i za rekonstrukciju i za sanaciju, da bi znali koliko je koštalo i jedno i drugo, bez obzira da li je ovo drugo rađeno, bez plaćanja ili sa plaćanjem, obzirom da cijenim vrijednost ovih radova preko pola miliona maraka.“

Zastupnik Mahir Dević podnio je sljedeće (citiramo): „Za danas imam jednu inicijativu i dva pitanja. Inicijativa se odnosi na Ministarstvo pravde i uprave koje je bilo predlagatelj Zakona o prevenciji, suzbijanju korupcije u Kantonu Sarajevo. Primjena tog zakona u Kantonu Sarajevo je napravila jednu koliziju pravnu između Izbornog zakona Bosne i Hercegovine i onoga što se dešava u praksi. S tim u vezi hoću da vjerujem da je ministrica ozbiljna i da je zaista sazrijelo vrijeme da se po hitnoj proceduri pristupi izmjenama i dopunama navedenog zakona, posebno kada je u pitanju utvrđivanje sukoba interesa. Radi informacije prema zastupnicima, vjerovatno u ovoj Skupštini, onako kako piše u tom zakonu ne postoji ni jedan zastupnik koji nije glasao za neki materijal, a da se ne bi našao u sukobu interesa. Znači, u praksi imate sljedeće stanje da vam se šalju dopisi ispred Ureda za borbu protiv korupcije prema vijećnicima da ih se upozorava da ne mogu glasati ne znam za izvještaje nekih preduzeća u kojim osnivači nemaju nikakve finansijske efekte zato što u tim preduzećima rade njihove majke, braća, sestre itd, itd. O konkretnom slučaju ću, naravno, razgovarati direktno sa ministricom da vidim da li je u pitanju jedna politička hajka koju ste organizirali zajedno na relaciji Ministarstvo pravde i uprave, ili je zaista ovo stanje u praksi tako. Ako je takvo kako ste poslali dokument, onda je to u praksi jedan potpuni haos koji treba da se uredi i da bude u skladu sa Izbornim zakonom Bosne i Hercegovine. Evo hoću da vjerujem da je ministrica, barem do sada, pokazala ozbiljnost, barem u komunikaciji, da se ove stvari izmjeni pod hitno, jer one prave pravne probleme cijelom Kantonu. Ja ću sada pokrenuti pojedinačno za sva općinska vijeća u Kantonu Sarajevo, za sve zastupnike, za svako glasanje u zadnjih, od kada je usvojen taj zakon. I vidjet ćete na što ćete onda izaći, što će biti jedan potpuni pravni haos. Prema tome, pozivam vas da predložite izmjenu tih članova i da ih uskladite sa Izbornim zakonom Bosne i Hercegovine. To je inicijativa da to bude po hitnoj proceduri, skraćeno, znači ne redovno, najbržoj mogućoj. Druga stvar, pitanje za ministra visokog obrazovanja i rukovodstvo Skupštine Kantona Sarajevo. Kada ćemo, onoga ko obnaša sada tu funkciju, mora neko obnašati, neko je obnaša. Kada ćemo dobiti izvještaj Javne ustanove Studentski centar na dnevni red Skupštine Kantona Sarajevo? Znači taj izvještaj od kada ja sjedim ovdje nije došao na ovu Skupštinu. Kako je to moguće ljudi? Jel vi to krijete na kolegiju tamo radi određenih kriminalnih koruptivnih radnji u kojim, evo, sada nam govori i sudovi i tužilaštva? Kako je ta stvar moguća? I druga stvar, kako je moguće da čovjek provede mandat na poziciji direktora Sarajevo šuma od 4 godine, a da Skupština razmatra njegov izvještaj. To je za vas predsjedavajući pitanje direktno. Kako su te stvari moguće da se događaju?“

Zastupnik Damir Marjanović podnio je sljedeće (citiramo): „Jedno od najvećih dostignuća ove Vlade u prošloj godini je bilo fenomenalno i najveće izdvajanje za naučno istraživačku djelatnost od 4 300 000 konvertibilnih maraka. Koliko znam, taj iznos je i ove godine pripremljen. Ono što je bilo još jedno od velikih dostignuća profesorice Mesihović u tom periodu je što je vrlo brzo raspisala konkurse i uspješno ih sprovela tako da su već u šestom mjesecu bili realizirani isplate za te projekte. Ohrabrujem Vladu uvažavajući specifičnu trenutno situaciju, ohrabrujem Vladu, ohrabrujem i trenutno vd ministricu na poziciji ministricice obrazovanja, nauke visokog obrazovanja, nauke, mladih da te projekte pokrene što prije zato što postoje mehanizmi, modeli koji se već godinama koriste i ako se ne pokrenu na vrijeme, moglo bi se desiti da naučna zajednica Kantona Sarajevo ne bude mogla konzumirati ono što je predviđeno u Budžetu Kantona Sarajevo.“

Zastupnik Samir Avdić podnio je sljedeće (citiramo): „Pitanje za Ministarstvo odgoja i obrazovanja da li Ministarstvo raspolaže informacijama o eventualnim poskupljenjima u vrtićima

u Kantonu Sarajevo, mislim na vrtiće koji su sistemu EMIS za 2025. godinu i da li su eventualna poskupljenja u skladu sa ugovornim obavezama vrtića i sistema EMIS-a prema Ministarstvu? Kako Ministarstvo posmatra novu praksu u nekim vrtićima, da dosadašnje redovne programe pretvaraju u specijalizirane programe i posebno ih naplaćuju, poput programa engleskog jezika, sekcija sporta, muzičkog i sličnih sekcija. I da li je takva praksa u skladu sa pravilnicima Ministarstva o učešću vrtića u sistemu EMIS? Smatram da takva razdvajanja djece čiji roditelji ne mogu plaćati specijalizirane programe od djece čiji roditelji plaćaju u istim vrtićima, nije dobra pojava u kontekstu jednakosti djece i Konvencija o dječjim pravima“.

Zastupnik Mahir Dević dopunio je svoja pitanja (citiramo): „Samo da dopunim ovo da ne bilo nejasno. Znači ovo vezano za Studentski centar, pošto na poziciji je ministrica Darija jel obavlja funkciju ministrice visokog obrazovanja, usmeno da mi se odgovori znači zašto nikada do sada nismo imali i kada ćemo imati izvještaj o radu Studentskog centra na Skupštini Kantona Sarajevo? „,

Zastupnik Elvis Vreto podnio je sljedeće (citiramo): „ Pa evo, imam namjeru da uputim jednu inicijativu, naravno, nju ću uputi u pisanoj formi i obzirom da je kompleksna, sačekat ću i pisani odgovor. Prije svega odnosi se na činjenicu, obzirom da Kanton Sarajevo, odnosno sam Grad Sarajevo, u 2024. godini je imao u ljetnom periodu najviše, naravno, jednu od najposjećeniju godinu po pitanju dolazaka turista. Obzirom da je Vlada Kantona Sarajeva puno napora uložila kada i Ministarstva privrede po pitanju otvaranja i subvencioniranja novih aviolinija, postavljam jednu zaista jedno pitanje koje bih želio da Vlada. Naravno, resorno i onaj sa više ministarstava razmotri prije svega Ministarstvo za građenje i prostorno uređenje, Ministarstva saobraćaja, a naravno u saradnji i sa opštinama da se u nekom ljetnom periodu, kad s obzirom na te posjete i obzirom na ogroman broj turista koji su u ovom gradu, pokuša donijeti odluka privremeno i djelomično zabrane određenih radova, građenja, sanacije određenih cesta. Ja znam da je ova oblast po pitanju Kantona Sarajevo i obzirom i geografskog položaja, kompleksna, uzimajući u obzir i zimski period kad nije baš moguće vršiti te radove kao u nekim drugim zemljama, kao što to radi Hrvatska, gdje u ljetnoj sezoni, kako regije, gradovi zabranjuju bilo kakvu vrstu građevinskih radova, ja svjestan činjenice da ovdje to nije moguće uraditi na takav način zbog je li vremenskih uslova i dinamike radova, ali zaista tražim ovom inicijativom da se pokuša u saradnji sa lokalnim zajednicama i nadležnim ministarstvima pokušati naći najbolji način donijeti određena privremena odluka ili mjera kako bi se izbjeglo da imamo je li u tom periodu gdje je neminovno zbog broja ljudi koji dolaze, ogromne gužve. Obzirom da je Sarajevo, evo se, našlo i na listi najpoznatijih svjetskih magazina kao preporuke u 2025. godini da se posjeti ovaj grad. Evo ovo je neka stvar koju želim da Vlada razmotri. Moguće je da oni određene aktivnosti rade i bez te odluke i planiraju, ali da se ti neki glavni radovi, gdje god je moguće, u suradnji sa lokalnim zajednicama, kako bi se te gužve svele na minimum. A i, naravno, ispunio i onaj ispunili oni ciljevi koji su planirani po pitanju tih radova u nekom drugom terminu“.

Zastupnik Davor Čičić podnio je sljedeće (citiramo): „Ja ću podnijeti jednu inicijativu prema Kantonalnom javnom komunalnom preduzeću Toplance, radi se o inicijativi za preuzimanje i upravljanje energetske postrojenjem, energetske postrojenjem Dnevnog centra za djecu za poteškoćama u razvoju "Denis". Predlažem da postrojenje podstanice Dnevnog centra "Denis" preuzme na upravljanje i održavanje od strane KJKP Toplance Sarajevo. Ovim bi se omogućilo profesionalno vođenje tehničkih postrojenja, bolji nadzor nad potrošnjom, energijom i optimizacijom troškova. Toplance kao stručni upravljač energetske sistema mogu osigurati redovno održavanje, bržu intervenciju u slučaju kvara, smanjenje troškova upravljanja te modernizaciju sistema npr. prelazak na obnovljive izvore energije i nove tehnologije grijanja i hlađenja. Mislim da bi uz podršku Vlade i Skupštine i Toplance ovakav model predstavljaju

dugoročne održivo rješenje za grijanje i hlađenja objekta Dnevnog centra "Denis" , a taj objekat je, kao da vas podsjetim, i u vlasništvu Kantona Sarajevo.“

Nakon iscrpljene liste prijavljenih za pitanja i inicijative, odgovore na postavljena pitanja su ponudili: *ministar zdravstva, Enis Hasanović, te ministrica pravde i uprave, Darja Softić-Kadenić, dok je predsjedavajući naglasio da će zastupnici dobiti odgovore na svoja pitanja u pisanoj formi.*

Realizacija tačke dva.

AD-2.

NACRT ZAKONA O REGISTRU FINANCIJSKIH POTRAŽIVANJA U KANTONU SARAJEVO

Zastupnici su materijal dobili uz poziv za sjednicu. Uvodne napomene u ime predlagачa, podnio je *ministar finansija, Afan Kalamujić.*

Na zahtjev Kluba SDA data je petnaestominutna pauza.

NASTAVAK NAKON PAUZE

U nastavku nakon pauze, predsjedavajući Okerić je otvorio diskusiju.

U diskusiji su učestvovali zastupnici: *Faruk Selmanović, Marijela Hašimbegović, Muamer Bandić, Mahir Dević, Mersiha Mehmedagić, Admela Hodžić, Davor Čičić.*

U međusobnom repliciranju su učestvovali zastupnici: *Mersiha Mehmedagić – Faruk Selmanović, Davor Čičić – Faruk Selmanović, Muamer Bandić - Faruk Selmanović, Admela Hodžić – Marijela Hašimbegović, Muamer Bandić – Mersiha Mehmedagić,*

Predsjedavajući je zaključio diskusiju obzirom da nije bilo više prijavljenih diskutanata.

Potom je u skladu s članom 94. Poslovnika Skupštine KS predložio, a zastupnici jednoglasno podržali da se izjašnjavanje po ovoj tački provede odmah, (s 22 glasa „za“).

Predsjedavajući je zatim pozvao zastupnike da se izjasne o Nacrtu zakona.

Na osnovu rezultata glasanja, predsjedavajući je konstatovao da je Skupština jednoglasno donijela (s 26 glasova „za“ i 4 glasa „protiv“) sljedeći Zaključak:

1. Utvrđuje se Nacrt zakona o Registru finansijskih potraživanja u Kantonu Sarajevo.
2. Nacrt zakona iz tačke 1. ovog zaključka stavlja se u javnu raspravu.
3. Učesnici u javnoj raspravi su kantonalni organi uprave i jedinicama lokalne samouprave, kantonalne ustanove i javna preduzeća, Općinski sud u Sarajevu, Kantonalni sud u Sarajevu, naučne i stručne ustanove, a trajat će 30 dana.
4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, koja organizuje i provodi javnu raspravu.
5. Vlada Kantona Sarajevo dužna je nakon provedene javne rasprave Skupštini Kantona Sarajevo dostaviti Prijedlog zakona o Registru finansijskih potraživanja u Kantonu Sarajevo, vodeći računa o primjedbama, prijedlozima, sugestijama i mišljenjima kroz izvještaj o javno raspravi.
6. Ovaj zaključak stupa na snagu danom donošenja.

Realizacija tačke tri.

AD-3.

PRIJEDLOG ODLUKE O DAVANJU SAGLASNOSTI NA PRIPAJANJE JAVNE USTANOVE „FOND MEMORIJALA KANTONA SARAJEVO“ JAVNOJ USTANOVI „MEMORIJALNI CENTAR SARAJEVO“

Zastupnici su materijal za tačku dobili uz poziv za sjednicu. Uvodno izlaganje u svojstvu predlagača, podnijela je Belma Adilović, sekretar Ministarstva za boračka pitanja KS.

U diskusiji su učestvovali zastupnici: *Mahir Dević, Vedrana Vujović, Faruk Selmanović, Faruk Kapidžić,*

U međusobnom repliciranju su učestvovali zastupnici: *Mahir Dević – Vedrana Vujović, Vedrana Vujović – Faruk Kapidžić, Mahir Dević – Faruk Kapidžić, Faruk Selmanović – Faruk Kapidžić, Davor Čičić – Faruk Kapidžić.*

Dopredsjedavajuća Jelena Pekić, koja je u međuvremenu preuzela predsjedavanje sjednicom, predložila je pauzu za ručak, koju su zastupnici podržali većinom glasova (s 18 glasova „za“ i 1 glas „protiv“).

NASTAVAK NAKON PAUZE

U nastavku nakon pauze, predsjedavajući je konstatovao da nema više prijavljenih za diskusiju te je dao riječ ministru za boračka pitanja, Omeru Osmanoviću, kako bi dao pojašnjenje na dileme koje su proistekle iz diskusija.

Predsjedavajući je potom u skladu sa članom 94. Poslovnika Skupštine Kantona Sarajevo predložio da se u ovoj tački odmah izjasne zastupnici.

Na osnovu rezultata glasanja konstatovano je da je Skupština većinom glasova prihvatila da se izjašnjavanje o tački provede odmah (s 18 glasova „za“ i 4 glasa „protiv“).

Na osnovu rezultata glasanja, konstatovano je da je Skupština Kantona Sarajevo donijela Odluku o davanju saglasnosti na pripajanje Javnoj ustanovi "Fond Memorijala Kantona Sarajevo" Javnoj ustanovi "Memorijalni centar Sarajevo", većinom glasova (s 18 glasova „za“ i 5 glasova „protiv“).

Realizacija tačke četiri.

Predsjedavajući je zamolio predstavnika predlagača naredne tri tačke dnevnog reda, koje su povezane, da podnese zajedničko kratko uvodno izlaganje.

AD-4.

Prijedlog Odluke o davanju saglasnosti za zaključivanje ugovora o naknadi troškova na ime plaćenog poreza sa primaocem naknade Kukuljac Zehrom, u svrhu izgradnje dionice „I transverzale“- Poddionica Tunel Kobilja Glava –Hotonj

Zastupnici su materijal dobili uz poziv za sjednicu. Uvodno izlaganje u svojstvu predlagača je podnijela *pomoćnik direktora Zavoda za izgradnju KS, Damir Konjičanin.*

U diskusijama su učestvovali zastupnici: *Faruk Kapidžić i Haris Zahiragić.*

U međusobnom repliciranju učestvovali su zastupnici: *Faruk Kapidžić – Haris Zahiragić*.

Predsjedavajući je dao riječ *Damiru Konjičaninu* da ukratko pojasni prijedlog odluke.

Obzirom da nije bilo više prijavljenih diskutanata, predsjedavajući je zamolio zastupnike da se izjasne u skladu s Članom 94. Poslovnika Skupštine KS, da se izjašnjanje po ovoj tački provede odmah.

Nakon izjašnjanja, konstatovano je da je Skupština većinom glasova podržala da se izjašnjanje provede odmah, (s 19 glasa „za“, 2 glasa „protiv“).

Na osnovu rezultata glasanja, konstatovano je da je Skupština većinom glasova donijela Odluku o davanju saglasnosti za zaključivanje ugovora o naknadi troškova na ime plaćenog poreza sa primaocem naknade Kukuljac Zehrom, u svrhu izgradnje dionice „I transverzale“- Poddionica Tunel Kobilja Glava –Hotonj, (s 21 glas „za“ i 3 glasa „protiv“).

Realizacije tačke pet.

AD- 5.

Prijedlog Odluke o davanju saglasnosti za zaključivanje ugovora o naknadi troškova na ime plaćenog poreza sa primaocem naknade Kukuljac Džibom, u svrhu izgradnje dionice „I transverzale“ - Poddionica Tunel Kobilja Glava – Hotonj

Zastupnici su materijal dobili uz poziv za sjednicu.

Nije bilo prijavljenih diskutanata pa je predsjedavajući zaključio diskusiju i pozvao zastupnike da se izjasne u skladu s članom 94. Poslovnika Skupštine Kantona Sarajevo.

Nakon izjašnjanja, konstatovano je da je Skupština jednoglasno prihvatila da se izjašnjenje po ovoj tački provede odmah, (s 21 glas „za“).

Na osnovu rezultata glasanja, konstatovano je da je Skupština većinom glasova donijela Odluku o davanju saglasnosti za zaključivanje ugovora o naknadi troškova na ime plaćenog poreza sa primaocem naknade Kukuljac Džibom u svrhu izgradnje dionice Prve transverzale poddionica Tunel Kobilja Glava - Hotonj (s 20 glasova „za“, 2 glasa „protiv“ i bez glasova „suzdržan“).

Realizacija tačke šest.

AD-6.

Prijedlog Odluke o davanju saglasnosti za zaključivanje ugovora o kupoprodaji bespravno sagrađenog objekta na parceli označenoj kao k.č. broj 767/1 K.O. SP_Koševo, što po novom premjeru odgovara k.č. broj 686 K.O. Hotonj, radi rušenja, vanknjižno vlasništvo Klanco Al Mulki Fatime u svrhu izgradnje dionice „I transverzale“ - Poddionica Tunel Kobilja Glava – Hotonj

Zastupnici su dobili materijal uz poziv za sjednicu.

Obzirom da nije bilo prijavljenih zastupnika za diskusiju, predsjedavajući je predložio da se izjašnjanje po ovoj tački provede odmah, a u skladu sa članom 94. Poslovnika Skupštine Kantona Sarajevo, što su zastupnici većinom glasova podržali, (s 21 glas „za“, 2 glasa „protiv“ i bez glasova „suzdržan“).

Na osnovu rezultata glasanja, konstatovano je da je Skupština većinom glasova donijela Odluku o davanju saglasnosti za zaključivanje ugovora o kupoprodaji bespravno sagrađenog objekta na parceli označenoj kao k.č. broj 767/1 K.O. SP_Koševo, što po novom premjeru odgovara k.č. broj 686 K.O. Hotonj, radi rušenja, vanknjižno vlasništvo Klanco Al Mulki Fatime u svrhu izgradnje dionice „I transverzale“ - Poddionica Tunel Kobilja Glava – Hotonj (s 21 glas „za“, 2 glasa „protiv“ i bez glasova „suzdržan“).

Realizacija tačke sedam.

AD- 7.

Prijedlog odluke o imenovanju članova Vijeća nacionalnih manjina Kantona Sarajevo

Materijal za ovu tačku je dostavljen zastupnicima uz poziv za sjednicu. Uvodno izlaganje u ime predlagача materijala podnijela je *Onahti Čerkez, pomoćnik ministra za upravu i digitalizaciju javne uprave u Ministarstvu pravde i uprave KS.*

U diskusiji su učestvovali zastupnici: *Haris Zahiragić, Aljoša Čampara, Faruk Kapidžić i Miomirka Melank.*

U međusobnom repliciranju su učestvovali zastupnici: *Elvedin Okerić – Haris Zahiragić, Davor Čičić – Haris Zahiragić, Aljoša Čampara – Haris Zahiragić, Belma Kapo – Haris Zahiragić.*

Nakon zaključivanja diskusija, zastupnik Haris Zahiragić je predložio zaključak, kako slijedi:

„Skupština Kantona Sarajevo, potpuno poštujući nadležnosti samog Vijeća nacionalnih manjina Kantona Sarajevo, apeluje na imenovane članove i članice Vijeća nacionalnih manjina Kantona Sarajevo da razmisle o tome da na čelo Vijeća imenuje gospodina Mađida Marufa, predstavnika palestinske nacionalne manjine“.

Na osnovu rezultata glasanja o istom, konstatovano je da je Skupština jednoglasno podržala Zaključak zastupnika Harisa Zahiragića (s 26 glasova „za“).

Zatim je predsjedavajući predložio da se izjašnjavanje po ovoj tački provede odmah, a u skladu sa članom 94. Poslovnika Skupštine Kantona Sarajevo, što su zastupnici jednoglasno i podržali, (s 27 glasova „za“).

Na osnovu rezultata glasanja, konstatovano je da je Skupština jednoglasno donijela Odluku o imenovanju članova Vijeća nacionalnih manjina Kantona Sarajevo (s 28 glasova „za“).

Realizacija tačke osam.

AD-8.

Prijedlog odluke o dopunama Odluke o utvrđivanju osnovica, stopa i načinu obračunavanje i uplate naknada za obavezno zdravstveno osiguranje na području Kantona Sarajevo

Zastupnici su dobili materijal uz poziv za sjednicu. Uvodno izlaganje je podnio *ministar zdravstva, Enis Hasanović.*

Obzirom da nije bilo prijavljenih zastupnika za diskusiju, predsjedavajući je predložio da se izjašnjavanje po ovoj tački provede odmah, a u skladu sa članom 94. Poslovnika Skupštine Kantona Sarajevo, što su zastupnici jednoglasno i podržali, (s 25 glasova „za“).

Na osnovu rezultata glasanja, konstatovano je da je Skupština jednoglasno donijela Odluku o dopunama Odluke o utvrđivanju osnovica, stopa i načinu obračunavanja i uplate naknada za obavezno zdravstveno osiguranje na području Kantona Sarajevo, (s 25 glas „za“).

Realizacija tačke devet.

AD-9.

Prijedlog odluke o davanju saglasnosti na izmjene i dopune Finansijskog plana prihoda i rashoda za 2024 godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

Materijal za ovu tačku je zastupnicima dostavljen uz poziv za sjednicu. Zastupnici su smatrali da nije potrebno uvodno izlaganje, te su jednoglasno podržali da se glasanje po tački provede odmah, u skladu sa članom 94. Poslovnika Skupštine Kantona Sarajevo, (s 24 glasa „za“).

Na osnovu rezultata glasanja konstatovano je da je Skupština većinom glasova donijela Odluku o davanju suglasnosti na izmjene i dopune Finansijskog plana prihoda i rashoda za 2024 godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, (s 23 glasa „za“ i 2 glasa „suzdržan“).

Realizacija tačke deset.

AD-10.

Prijedlog Odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2025. godinu

Materijal za ovu tačku je zastupnicima dostavljen uz poziv za sjednicu. Zastupnici su smatrali da nije potrebno uvodno izlaganje, te su jednoglasno podržali da se glasanje po tački provede odmah, u skladu sa članom 94. Poslovnika Skupštine Kantona Sarajevo, (s 25 glasova „za“).

Na osnovu rezultata glasanja konstatovano je da je Skupština jednoglasno donijela Odluku o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2025. godinu, (s 25 glasova „za“).

Realizacija tačke jedanaest.

AD-11.

Prijedlog Odluke o davanju saglasnosti na Finansijski plan prihoda i rashoda za 2025. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

Materijal za ovu tačku je zastupnicima dostavljen uz poziv za sjednicu. Zastupnici su smatrali da nije potrebno uvodno izlaganje, te su jednoglasno podržali da se glasanje po tački provede odmah, u skladu sa članom 94. Poslovnika Skupštine Kantona Sarajevo, (s 24 glasa „za“).

Na osnovu rezultata glasanja konstatovano je da je Skupština jednoglasno donijela Odluku o davanju saglasnosti na Finansijski plan prihoda i rashoda za 2025. godinu Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, (s 24 glasa „za“).

Realizacija tačke dvanaest.

AD- 12.

Izveštaj o radu sa finansijskim izvještajem, na koje je prethodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2023. godinu

Materijal za ovu tačku je zastupnicima dostavljen uz poziv za sjednicu. Zastupnici su smatrali da nije potrebno uvodno izlaganje, te su jednoglasno podržali da se glasanje po tački provede odmah, u skladu sa članom 94. Poslovnika Skupštine Kantona Sarajevo, (s 24 glasa „za“).

Na osnovu rezultata glasanja konstatovano je da je Skupština jednoglasno usvojila Izveštaj o radu sa finansijskim izvještajem, na koje je prethodno dato mišljenje ovlaštenog revizora, Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2023. godinu, (s 24 glasa „za“).

Realizacija tačke trinaest.

AD- 13.

Nacrt strategije razvoja turizma u Kantonu Sarajevo do 2030. godine

Materijal za ovu tačku dostavljen je zastupnicima uz poziv za sjednicu. Uvodno izlaganje u ime predlagача podnijela je Elma Perteši, sekretar Ministarstva privrede, a nakon nje profesor Muamer Halilbašić, ispred tima Ekonomskog instituta koji je radio na pripremi ovog dokumenta.

U diskusiji su učestvovali zastupnici: *Damir Marjanović, Vedrana Vikić Musić, Mersiha Mehmedagić, Faruk Selmanović, Marijela Hašimbegović, Vildana Bešlija, Rusmir Pobrić, Smiljana Viteškić i Miomirka Melank.*

U međusobnom repliciranju su učestvovali zastupnici: *Mersiha Mehmedagić – Faruk Selmanović.*

Dopredsjedavajući Vibor Handžić, koji je u međuvremenu preuzeo predsjedavanje sjednicom, pozvao je zastupnike da se izjasne i donesu zaključke po predloženom Nacrtu strategije.

Na osnovu rezultata glasanja konstatovano je da je Skupština jednoglasno (s 23 glasa „za“) po Nacrtu Strategije razvoja turizma u Kantonu Sarajevo do 2030.godine donijela sljedeći Zaključak:

1. Utvrđuje se Nacrt Strategije razvoja turizma u Kantonu Sarajevo do 2030. godine.
2. Javna rasprava će se održati u kantonalnim organima, jedinicama lokalne samouprave, naučnim i stručnim institucijama i trajat će 30 dana od objave na web stranici Vlade Kantona Sarajevo i Ministarstva privrede Kantona Sarajevo.
3. Primjedbe, prijedlozi i sugestije zastupnika i mišljenja radnih tijela Skupštine, dostavljaju se Vladi Kantona Sarajevo, koja organizuje i provodi javnu raspravu.
4. Nakon sumiranja rezultata javne rasprave, Vlada Kantona Sarajevo će putem Ministarstva privrede Kantona Sarajevo pripremiti Izvještaj o rezultatima javne rasprave i prijedlog Strategije razvoja turizma u Kantonu Sarajevo do 2030. godine, dostaviti Skupštini Kantona Sarajevo radi donošenja.
5. Ovaj zaključak stupa na snagu danom donošenja

Predsjedavajući je potom konstatovao da su sve tačke dnevnog reda iscrpljenje, te je zaključio rad na 22. Radnoj sjednici, zahvalivši se zastupnicima na konstruktivnom radu.

Broj: 01-04-25042/25
23.05.2025.godine
SARAJEVO

Zapisnik izradila:

Lejla Kadrić

S E K R E T A R
SKUPŠTINE KANTONA SARAJEVO

Aida Zeković

P R E D S J E D A V A J U Ć I
SKUPŠTINE KANTONA SARAJEVO

Elvedin Okerić

- 0 -

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.